

SENILAT

MESTI DI

DAFTAR

Oleh: SALIM OSMAN

SEMUA badan Silat Melayu, termasuk seksi-seksi silat dalam pertubuhan-pertubuhan budaya Melayu, dinasihatkan supaya segera membuat permohonan untuk didaftarkan di bawah Undang-Undang baru Pengajaran Seni Mempertahankan Diri.

Mereka digesa supaya mengambil dan mengirimkan borang-borang permohonan, termasuk juga permohonan guru-guru dan penuntut-penuntut Silat mereka, mengikut undang-undang yang berjalan kuatkuasanya sejak 2 September lalu.

Mereka yang gagal mendaftarkan diri di bawah undang-undang baru itu boleh dihukum denda \$2,000 paling tinggi dan penjara enam bulan paling lama.

2,000 ahli silat

Orang-orang yang menguruskan sebuah pertubuhan yang tidak berdaftar boleh didenda hingga \$4,000 atau penjara lima tahun paling lama.

Mengikut taksiran kasar, tidak kurang dari 40 buah pertubuhan, termasuk 21 buah balai rakyat di bawah Persatuan Rakyat, mengadakan kursus-kursus Silat Melayu sebagai satu seni mempertahankan diri.

Pertubuhan-pertubuhan ini dianggarkan mempunyai penuntut-penuntut yang tidak kurang dari 2,000 orang. Ini tidaklah termasuk penuntut-penuntut silat yang belajar secara individu.

Tempoh tiga bulan

Sejauh ini masih belum ada sebuah pun pertubuhan atau Seksi Silat sebarang badan Melayu yang telah membuat permohonan untuk mendaftarkan diri.

Demikian juga dengan guru-guru dan penuntut-penuntut Silat Melayu, belum ada seorang pun yang datang memohon untuk menjadi instraktor dan pelatih seni mempertahankan diri itu.

Seorang pegawai Unit Kawalan Seni Mempertahankan Diri semalam memberitahu Berita Harian: "Semua pertubuhan seni mempertahankan diri, guru-guru dan penuntut-penuntut seni itu diberikan tempoh tiga bulan untuk mendaftarkan diri.

"Undang-undang baru ini sudah berjalan kuatkuasanya

★ Muka 10 Ruang 4